

Iris Oifigiúil an Aontais Eorpaigh

L 76



An t-eagrán Gaeilge

Reachtaíocht

Imleabhar 66

15 Márta 2023

Clár

II Gníomhartha neamhreachtacha

RIALACHÁIN

- ★ Rialachán Cur Chun Feidhme (AE) 2023/579 ón gCoimisiún an 8 Márta 2023 lena gcláraítear ainm sa chlár um shonrúcháin tionscnaimh faoi chosaint agus um thásca geografacha faoi chosaint (“Sörmlands Ädel” (TGFC)) 1
- ★ Rialachán Cur Chun Feidhme (AE) 2023/580 ón gCoimisiún an 14 Márta 2023 lena leasaítear Rialachán (CE) Uimh. 1210/2003 ón gComhairle maidir le srianta sonracha áirithe ar an gcaidreamh eacnamaíoch agus airgeadais leis an Iaráic 3

CINNTÍ

- ★ Cinneadh (AE) 2023/581 ón gComhairle an 13 Márta 2023 lena gceaptar comhalta amháin agus triúr comhaltaí malartacha, arna moladh ag Poblacht na Polainne, de Choiste na Réigiún 5

GA

Tagraíonn gníomhartha a bhfuil a dteidil i gcló éadrom do bhainistiú cúrsaí talmhaíochta ó lá go lá agus go ginearálta bíonn tréimhse theoranta bailíochta i gceist leo.

Tá teidil na ngníomhartha eile i gcló trom agus tagann réiltún rompu.

II

(Gníomhartha neamhreachtacha)

RIALACHÁIN

RIALACHÁN CUR CHUN FEIDHME (AE) 2023/579 ÓN gCOIMISIÚN

an 8 Márta 2023

lena gcláraítear ainm sa chlár um shonrúcháin tionscnaimh faoi chosaint agus um thásca geografacha faoi chosaint (“Sörmlands Ädel” (TGFC))

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) Uimh. 1151/2012 ó Pharlaimint na hEorpa agus ón gComhairle an 21 Samhain 2012 maidir le scéimeanna cáilíochta do tháirgí talmhaíochta agus do bhia-earraí ⁽¹⁾, agus go háirithe Airteagal 52(2) de,

De bharr an mhéid seo a leanas:

- (1) I gcomhréir le hAirteagal 50(2)(a) de Rialachán (AE) Uimh. 1151/2012, rinneadh an t-iarratas a thíolaic an tSualainn ar chlárú an ainm “Sörmlands Ädel” a fhoilsiú in *Iris Oifigiúil an Aontais Eorpaigh* ⁽²⁾.
- (2) Ós rud é nach bhfuair an Coimisiún aon ráiteas freasúra faoi Airteagal 51 de Rialachán (AE) Uimh. 1151/2012, ba cheart an t-ainm “Sörmlands Ädel” a chlárú,

TAR ÉIS AN RIALACHÁN SEO A GHLACADH:

Airteagal 1

Leis seo, cuirtear an t-ainm ‘Sörmlands Ädel’ (TGFC) isteach sa chlár.

Leis an ainm a shonraítear sa chéad mhír sainítear táirge de chuid Aicme 1.3. “Cáiseanna” faoi mar a liostaítear in Iarscríbhinn XI a ghabhann le Rialachán Cur Chun Feidhme (AE) Uimh. 668/2014 ón gCoimisiún ⁽³⁾.

Airteagal 2

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

⁽¹⁾ IO L 343, 14.12.2012, lch. 1.

⁽²⁾ IO C 444, 23.11.2022, lch. 32.

⁽³⁾ Rialachán Cur Chun Feidhme (AE) Uimh. 668/2014 ón gCoimisiún an 13 Meitheamh 2014 lena leagtar síos rialacha maidir le cur i bhfeidhm Rialachán (AE) Uimh. 1151/2012 ó Pharlaimint na hEorpa agus ón gComhairle maidir le scéimeanna cáilíochta do tháirgí talmhaíochta agus do bhia-earraí (IO L 179, 19.6.2014, lch. 36).

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, an 8 Márta 2023.

Thar ceann an Choimisiúin,
Thar ceann an Uachtaráin,
Janusz WOJCIECHOWSKI
Comhalta den Choimisiún

RIALACHÁN CUR CHUN FEIDHME (AE) 2023/580 ÓN gCOIMISIÚN
an 14 Márta 2023

lena leasaítear Rialachán (CE) Uimh. 1210/2003 ón gComhairle maidir le srianta sonracha áirithe ar an gcaidreamh eacnamaíoch agus airgeadais leis an Iaráic

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (CE) Uimh. 1210/2003 ón gComhairle an 7 Iúil 2003 maidir le srianta sonracha áirithe ar an gcaidreamh eacnamaíoch agus airgeadais leis an Iaráic agus lena n-aisghairtear Rialachán (CE) Uimh. 2465/96 ⁽¹⁾, agus go háirithe Airteagal 11(b) de,

De bharr an mhéid seo a leanas:

- (1) Liostaítear in Iarscríbhinn IV a ghabhann le Rialachán (CE) Uimh. 1210/2003 daoine nádúrtha agus daoine dlítheanacha, comhlachtaí nó eintitis a bhaineann le réimeas an iar-Uachtaráin Saddam Hussein a chumhdaítear le reo cistí agus acmhainní eacnamaíocha agus le toirmeasc ar chistí nó acmhainní eacnamaíocha a chur ar fáil.
- (2) An 9 Márta 2023, chinn Coiste Smachtbhannaí Chomhairle Slándála na Náisiún Aontaithe beirt daoine nádúrtha a bhaint den liosta daoine agus eintiteas ar cheart feidhm a bheith ag an reo sócmhainní maidir leo.
- (3) Ba cheart, dá bhrí sin, Iarscríbhinn IV a ghabhann le Rialachán (CE) Uimh. 1210/2003 a leasú dá réir,

TAR ÉIS AN RIALACHÁN SEO A GHLACADH:

Airteagal 1

Leasaítear Iarscríbhinn IV a ghabhann le Rialachán (CE) Uimh. 1210/2003 mar a leagtar amach san Iarscríbhinn a ghabhann leis an Rialachán seo.

Airteagal 2

Tiocfaidh an Rialachán seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 14 Márta 2023.

Thar ceann an Choimisiúin

Thar ceann an Uachtaráin

Ard-Stiúrthóir

*An Ard-Stiúrthóireacht um Chobhsaíocht Airgeadais,
Seirbhísí Airgeadais agus Aontas na Margaí Caipitil*

⁽¹⁾ IO L 169, 8.7.2003, lch. 6.

IARSCRÍBHINN

In Iarscríbhinn IV a ghabhann le Rialachán (CE) Uimh. 1210/2003 ón gComhairle, scriostar na hiontrálacha seo a leanas:

‘30. AINM: Ayad Futayyih Khalifa Al-Rawi

DÁTA BREITHE/ÁIT BHREITHE: Thart ar 1942, Rawah

NÁISIÚNTAHT: an Iaráic

BUNÚS RÚN 1483 Ó CHOMHAIRLE SLÁNDÁLA NA NÁISIÚN AONTAITHE:

Ceann Foirne, Fórsa Quds, 2001 go 2003;

Iar-Ghobharnóir de Bhagdad agus Ta'mim'

‘43. AINM: Humam Abd-al-Khaliq Abd-al-Ghafur

DÁ nGAIRTEAR FREISIN: Humam 'Abd al-Khaliq 'Abd al-Rahman;

Humam 'Abd-al-Khaliq Rashid

DÁTA BREITHE/ÁIT BHREITHE: 1945, Ar-Ramadi

NÁISIÚNTAHT: an Iaráic

BUNÚS RÚN 1483 Ó CHOMHAIRLE SLÁNDÁLA NA NÁISIÚN AONTAITHE:

Aire Ardoideachais agus Taighde, 1992 go 1997, 2001 go 2003;

Aire Cultúir, 1997 go 2001;

Stiúrthóir agus Leas-Stiúrthóir, Iraqi Atomic Energy Organisation, 1980í;

PAS: 0018061/104, eisithe an 12 Meán Fómhair 1993'

CINNÍ

CINNEADH (AE) 2023/581 ÓN gCOMHAIRLE

an 13 Márta 2023

lena gceaptar comhalta amháin agus triúr comhaltaí malartacha, arna moladh ag Poblacht na Polainne, de Choiste na Réigiún

TÁ COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe Airteagal 305 de,

Ag féachaint do Chinneadh (AE) 2019/852 ón gComhairle an 21 Bealtaine 2019 lena gcinntear comhdhéanamh Choiste na Réigiún ⁽¹⁾,

Ag féachaint do na tograí ó rialtas na Polainne,

De bharr an mhéid seo a leanas:

- (1) De bhun Airteagal 300(3) den Chonradh, tá Coiste na Réigiún le bheith comhdhéanta d'ionadaithe comhlachtaí réigiúnacha agus áitiúla a bhfuil sainordú toghchánach acu in údarás réigiúnach nó áitiúil, nó atá freagrach go polaitiúil do thionól tofa.
- (2) An 20 Eanáir 2020, ghlac an Chomhairle Cinneadh (AE) 2020/102 ⁽²⁾, lena gceaptar comhaltaí agus comhaltaí malartacha Choiste na Réigiún don tréimhse ón 26 Eanáir 2020 go dtí an 25 Eanáir 2025.
- (3) Tá suíochán comhalta ar Choiste na Réigiún tagtha chun bheith folamh tar éis do Ludwik Kajetan WĘGRZYN éirí as oifig.
- (4) Tá suíocháin bheirt chomhaltaí mhalartacha ar Choiste na Réigiún tagtha chun bheith folamh tar éis do Elżbieta Anna POLAK agus do Marek Andrzej TRAMŚ éirí as oifig.
- (5) Beidh suíochán comhalta mhalartaigh ar Choiste na Réigiún tagtha chun bheith folamh tar éis do Joachim Michał SMYŁA a bheith ceaptha ina chomhalta de Choiste na Réigiún.
- (6) Mhol Rialtas na Polainne Joachim Michał SMYŁA, ar ionadaí de chomhlacht áitiúil é a bhfuil sainordú toghchánach aige in údarás áitiúil, *Radny Powiatu Lublinieckiego* (Comhalta de Chomhairle Ceantair Lubliniec), mar chomhalta de Choiste na Réigiún go dtí an 30 Aibreán 2024, dáta a dtiocfaidh deireadh lena shainordú náisiúnta i gcomhréir leis an reachtaíocht náisiúnta is infheidhme.
- (7) Mhol Rialtas na Polainne na hionadaithe seo a leanas ar chomhlachtaí réigiúnacha nó áitiúla a bhfuil sainordú toghchánach in údarás réigiúnach nó áitiúil acu mar chomhaltaí malartacha de Choiste na Réigiún go dtí an 30 Aibreán 2024, dáta a dtiocfaidh deireadh lena sainorduithe náisiúnta faoi seach i gcomhréir leis an reachtaíocht náisiúnta is infheidhme: Marcin Artur JABŁOŃSKI, *Członek Zarządu Województwa Lubuskiego* (Comhalta de Bhord Bainistíochta Chomhairle Chúige Lubuskiego), Andrzej Antoni PŁONKA, *Radny Powiatu Bielskiego (woj. śląskie)*, (Comhalta de Chomhairle Ceantair Bielsko (Cúige Śląskie)), agus Lucyna Teresa SOKOŁOWSKA, *Radna Powiatu Rzeszowskiego* (Comhalta de Chomhairle Ceantair Rzeszów),

⁽¹⁾ IO L 139, 27.5.2019, lch. 13.

⁽²⁾ Cinneadh (AE) 2020/102 ón gComhairle an 20 Eanáir 2020 lena gceaptar comhaltaí agus comhaltaí malartacha Choiste na Réigiún don tréimhse ón 26 Eanáir 2020 go dtí an 25 Eanáir 2025 (IO L 20, 24.1.2020, lch. 2).

TAR ÉIS AN CINNEADH SEO A GHLACADH:

Airteagal 1

Leis seo, ceaptar ar Choiste na Réigiún na hionadaithe seo a leanas de chomhlachtaí réigiúnacha nó áitiúla a bhfuil sainordú toghchánach acu, go dtí an 30 Aibreán 2024:

(a) mar chomhalta:

— Joachim Michał SMYŁA, *Radny Powiatu Lublinieckiego* (Comhalta de Chomhairle Ceantair Lubliniec),

agus

(b) mar chomhaltaí malartacha:

— Marcin Artur JABŁOŃSKI, *Członek Zarządu Województwa Lubuskiego* (Comhalta de Bhord Bainistíochta Chúige Lubuskie),

— Andrzej Antoni PŁONKA, *Radny Powiatu Bielskiego (woj. śląskie)* (Comhalta de Chomhairle Ceantair Bielsko (Cúige Śląskie)),

— Lucyna Teresa SOKOŁOWSKA, *Radna Powiatu Rzeszowskiego* (Comhalta de Chomhairle Ceantair Rzeszów).

Airteagal 2

Tiocfaidh an Cinneadh seo i bhfeidhm ar dháta a ghlactha.

Arna dhéanamh sa Bhruiséil, an 13 Márta 2023.

Thar ceann na Comhairle

An tUachtarán

J. PEHRSON

ISSN 1977-0839 (leagan leictreonach)
ISSN 1725-2571 (leagan páipéir)